

ցնցելոյն իբր սկսու մեղմանալ, սակայն անընդհատ վերստին և աւելի ուժգնութեամբ դողացոյց գերկիր ընդ երկար. և մինչդեռ մեղմանալ կամէր, ահա աւելի ուժգնութեամբ վերստին և ընդ երկար ցնցէր և դողացուցանէր, և վեր վեր կը նետէր գշինուածս, մինչև յուսահատիլ ամենեցունցս: Արդ բովանդակն տեեաց գրեթէ 5 րոպէս. բայց ոչ հաւատացողքն, որք ասին թէ եթէ տեէր 5 րոպէս, փլուցանէր զամենայն շինուածս. բայց հաստատեն թէ տեեաց երիս րոպէս: Ի շարժմանէս այնքան շինուածք փլան, մինչև փոշեաց երևիլ իբրև զմատախուղ ի վերայ ստամոզու: Զկնի այսր մեծ շարժմանս, դարձեալ ցնցեաց: Էանց սակաւ ինչ և դարձեալ բաղխեաց. և գրեթէ կէս ժամ, գուցէ աւելի. սըխ սըխ շարժէր: Կարձեալ ի 20 ժամուն ուժգինս ցնցեաց, իսկ մանր մունր բազում անգամ: Յերկրորդ աւուր՝ դարձեալ քանի անգամ, բայց մանր մունր: Մինչև ցոր գրելոյս, գրեթէ անթիւ անգամ ցայգ և ցերեկ լինէր ասէին բազումը...: Արդ յառաջին գետնաշարժութենէն, որքան տեղիք փլան, ի սկզբան անգր ոչ այնքան երևեցան. քանզի թէպէտ փլան բազում մինարէք, ծխնելոյզք, գմբէթք և խնք, սակայն զկնի աւուրց յորժամ սկսան քակել զսախտածսն՝ գտան չփաստեալ գրեթէ և ոչ մի կերտուած որ ի կրէ և ի քարէ: Իսկ փայտեղէն շինուածքն թէպէտ ոչ փլան, սակայն ամենեքին փլասեցան: Ի սամաթիա անթիւ տունք, իսկ ի եէտի խուլէն, գրեթէ բովանդակ շինուածքն թէև փայտեղէնք, կործանեցան սպանմամբ բազմաց անծանօթից:

Ճէվահիր պէզէստանն, թէպէտ ոչ կործանեցաւ, սակայն ասին թէ խուրտուխաշ եղեալ է: Գույումուն շարչըին գմբէթքն, գրեթէ զամենայն փլուցին. իսկ ոչ փլուցեալքն՝ չեն առանց որոգայթի: Կործանեցաւ զֆֆիենց խանն, և որ հանդէպ նորա: Փլան գմբէթքն խալբախճոց և սրբխճոց: Վնասեցան և ընդ մասին փլան ամենայն խանքն, բայց ի նոր խանից, զորս շինեաց այս սուլթան մուստաֆան:

Բնակիչքն վէզիր խանին, ելեալք յօտայէն իւրեանց և ի փախչիլն, անկաւ ներքին գմբէթն որ առաջի դրան, և սպան զխուռն մարդկանց: Ոմն տիրացու գէորգ անուանեալ (նչ նիկոմիդացին, որ եղև փեսայ կրակ գրիգորին, այլ այլունմ) որ տեղեակ էր բազում լեզուաց, մանաւանդ տաճկաց, որ և զօրացոյցն մեր թարգմանեալ, ետ թագաւորին, ըստ հրամայելոյ նորա, սա ի փախչիլն և յելանեն յօտայէն իւրմէ, ճմլի ընդ կամարաւ դրանն և ընդ նմա մանուկ մի ևս. քանզի այս գէորգ ազապ էր և նստէր ի վէզիր խանն... Փլաւ և փոքր խան մի, յորում եղեալ արապ աղախինք, փախեան և ելին արտաքս ի փողոցն և անդէն փլաւ որմն խանին և սպան զամենայն աւելի քան զտասն անձինս, ընդ նոսին և զլոյծ մի եզանց: Ի բազում տեղիս, ի բառնալն զփլուցեալսն, գտան բազում գէշք մարդկան, թէպէտ և ուր ուրեք գտան ոմանք կենդանի...: Իսկ ի դալաթիա գետնաշարժն եղև մեծ և երկայն որպէս ի ըստամոզու, սակայն որպէս երևի՝ չէ այնքան բռնութեամբ իբրև զնորայն. որպէս և նորայն, չէ այնքան բռնութեամբ իբրև զսամաթիոյ և զպալատին: Արդ ի դալաթիա փլասեցաւ պէզէստանն, զուշուրու խանն, և բազում գմբէթաշէնք և որմունք: Վնասեցաւ և եկեղեցին ճիգուիթաց և խուլէ նորա: Ի դալաթիա զուլէէն անկեալ է մեծ քար մի: Իսկ փայտեղէն շինուածքն գրեթէ ամենեքին փլասեցան. եկեղեցին Երրորդութեան ի տեօրտեօլազըն, փլասեցաւ աներևոյթապէս:

Բայց ո՞ր դիցուք գերկիւզն, զոր տան միմեանց ժողովուրդքն. քանզի ուր երթայ ոք, լսէ զբօթս. ոմն թէ՛ կըսեն քի՛ տահա բան շատ պիտի ըլլայ. ոմն թէ՛ կըսեն քի՛ շատ արուն պիտի ըլլայ. ոմն թէ՛, ջրհեղեղ պիտի ըլլայ. ոմն թէ՛ կէնէ մէկ մեծ զերզէլէ մը պիտի ըլլայ. ոմն թէ՛ յայտ ինչ օր՝ ինչ որ ըլլալու է նէ, պիտի ըլլայ... Ի սկիզբն, բազումք վրանաւ նստան ի պարտէզս, ի պօստանս և ի լերինս. իբր թէ՛ աճապ ո՞ր սահաթ գետինը պիտի անցնինք կամ պիտի մեռնինք: Արիւն ամենեցուն ցամաքեցաւ:

Պարտիթխանան որ ընդ մէջ մախըրքէօյին և ստէֆանոյին, բովանդակ փլաւ: Ուստի առ այժմ ամենայն որմնադիրքն անդ և ի ըստամոզու զպէզէստէնն շինեն, վասն որոյ այլ տեղիք այժմ դադարեալ կան...: